

**TARIFA-DI-ENTREGA-BEK DI ELEKTRISIDAT GENERA DURADERO 2021**

For di 16 di novèmber 2011 ta posibel pa klientenan domestik i kompanianan na Kòrsou produsí koriente duradero pa propio konsumo den kombinashon ku konekshon riba ret. Na e momentu akí ta aplikando pa tarifa-di-entrega-bèk di koriente na e ret tarifanan ku ta konsistí di un kompensashon di NAf 0,25 kWh tarifa-di-entrega-bèk di koriente den kombinashon ku un kompensashon fiho di NAf 8,00, NAf 16,00 òf NAf 24,00 pa luna pa kada kWp instalá

E merkado pa instalashonnan di PV a krese suptilmente den 2019, kua kresementu a kontinuá den 2020. E faktor di mas importante den esaki ta trata di e bahada promedio pa un instalashon ku panelnan solar, den kombinashon ku nivel rasonablemente stabil di e tarifanan final regular pa elektrisidat durante 2020, despues di un tendensia di subida durante 2019. Esaki tin un efekto faborabel riba e periodo-di-ganashi-bèk pa usuario final ku produkshon di elektrisidat duradero propio pa uso propio debí na e ekonomisashonnan ku ta surgi for di aki.

A base di e evaluashon anual konforme e “Tariefriichtlijn kleinschalige duurzame stroomvoorziening” Gobièrnu di Kòrsou pa e motibu ei a tuma e desishon pa mantené e tarifanan ariba mensioná. E pago mensual fiho pa kubri e gastunan pa uso i poné na disposishon di e ret, e konekshon di ret i e kapasidat di produkshon lo wòrdu mantené. E tarifa pa koriente debolbé tambe lo keda mantené na NAf 0,25 per kWh, komo ku esaki ketu bai ta riba e mesun liña ku e desaroyo aktual di e klousula pa kombustibel.

Mediante e mantenementu di tarifanan-di-entrega-bèk aktual pa 1 di yanüari 2021, manera mensioná den e skema akibou, lo sòru pa e usuario partikular òf empresanan por realisá un periodo di ganashi rasonabel ku ta ubiká na e parti abou ku por pasa e periodo-di-ganashi-bèk internashonalmente. Tambe ta bin aserka ku e preisnan di kompra pa e kompania di ret ta rasonablemente den liña ku e klousula di kombustibel komo parti di e tarifa di usuario final reglamentá pa elektrisidat.

Grupo di tarifa	Tarifa-di-entrega-bèk na NAf pa kWh AKTUAL	Kompensashon fiho pa luna na NAf AKTUAL	Tarifa-di-entrega-bèk na NAf pa kWh entrante 1 yanüari 2021	Kompensashon fiho pa luna na NAf entrante 1 yanüari 2021
01 Doméstiko	0,25	8,00 per kW(p)	0,25	8,00 per kW(p)
02 Komersial	0,25	16,00 per kW(p)	0,25	16,00 per kW(p)
22 Industria standart	0,25	24,00 per kW(p)	0,25	24,00 per kW(p)
23 Industria dirigí riba eksportashon	0,25	8,00 per kW(p)	0,25	8,00 per kW(p)
24 Industria remplasante di importashon	0,25	24,00 per kW(p)	0,25	24,00 per kW(p)
33 Hòspital	0,25	8,00 per kW(p)	0,25	8,00 per kW(p)